

[FOTO YAZIT RAZALI/BH]



Jackie Wong ceria bersama rekod baharu yang dicatatnya, semalam.

Jackie Wong perkasa

➔ Penantian emas 16 tahun negara dalam acara baling tukul besi berakhir

Oleh Aida Adilah Mat dan Firdaus Hashim
bhsukan@hmetro.com.my

Kuala Lumpur

Selepas tiga kali meraih gangsa pada tiga temasya Sukan SEA sebelum ini, Kuala Lumpur menjadi saksi kebangkitan atlet baling tukul besi negara, Jackie Wong membala dendam kekalahannya.

Bukan saja meraih emas dengan balingan 65.90 meter Jackie melakarkan kejayaan berganda apabila memecahkan rekod kebangsaan miliknya sendiri 65.34m dan juga rekod temasya milik Caleb Stuart dari Filipina 65.63m seterusnya membuktikan bahawa dia adalah yang

jaguh rantau Asia Tenggara.

Jackie melakukan balingan pertama sejauh 63.04m diikuti 64.53m, 64.68m, 65.9m, 65.75m dan 65.5m.

Ia satu kejayaan yang penuh bermakna apabila dapat menamatkan penantian 16 tahun emas dalam acara itu selepas kali terakhir atlet negara melakukannya pada 2001 menerusi Wong Tee Kui.

Kehadiran ibu, bapa pencetus semangat

Catatan itu juga adalah rekod kebangsaan yang kesembilan berjaya dipecahkan oleh Jackie selepas berlatih di bawah bimbingan Gu Yuan sejak empat tahun lalu.

Bagi Jackie, kehadiran ibu bapanya yang datang dari Sarawak untuk menyaksikan dia

beraksi selain daripada sorakan penonton yang memberikan semangat selain pengorbanan jurulatih Gu Yuan menjadi kunci kepada kejayaannya hari ini.

“Saya sangat berbangga dengan prestasi ini. Bukan saja rekod kebangsaan tapi juga rekod temasya. Sorakan penyokong begitu meriah sekali.

“Saya ingin ucapan terima kasih kepada pesaing saya kerana mereka memberikan saingan sengit seterusnya memberikan saya motivasi untuk baling lebih jauh dan jauh lagi,” katanya.

Pingat perak dalam acara itu menjadi milik peserta Thailand, Kittipong Boonmawan yang mencatat 65.49m, manakala gangsa diraih wakil Filipina, Ferrera Arnil dengan balingan 55.94m.

KUALA LUMPUR 2017
SUKAN SEA KE-29
SUKAN PARA ASEAN KE-9

KEDUDUKAN PINGAT

NEGARA	JUMLAH	1	2	3
MALAYSIA	114	49	36	29
Singapura	69	26	22	21
Vietnam	67	26	19	22
Thailand	76	16	27	33
Indonesia	64	15	17	32
Filipina	42	8	14	20
Myanmar	15	4	4	7
Brunei	6	0	1	5
Laos	2	0	1	1
Kemboja	5	0	0	5
Timor Leste	0	0	0	0

* Setakat jam 10 malam

GRAFIK BH